

文體明辨

附錄十四止


78  
8

|           |   |   |   |
|-----------|---|---|---|
| 東 京 圖 書 館 |   |   |   |
| 漢書門       | 文 | 類 | 函 |
| 架         | 五 | 號 | 冊 |
| 架         | 三 | 號 | 冊 |
| 架         | 八 | 號 | 冊 |


|       |   |   |   |
|-------|---|---|---|
| 漢 書 門 |   |   |   |
| 類     | 號 | 函 | 架 |
| 類     | 二 | 號 | 架 |
| 類     | 三 | 號 | 架 |
| 類     | 四 | 號 | 架 |
| 類     | 五 | 號 | 架 |
| 類     | 六 | 號 | 架 |
| 類     | 七 | 號 | 架 |
| 類     | 八 | 號 | 架 |

|         |   |   |   |
|---------|---|---|---|
| 內 閣 文 庫 |   |   |   |
| 漢書      | 類 | 號 | 冊 |
| 類       | 二 | 號 | 冊 |
| 類       | 三 | 號 | 冊 |
| 類       | 七 | 號 | 冊 |
| 類       | 八 | 號 | 冊 |
| 類       | 九 | 號 | 冊 |

|         |           |
|---------|-----------|
| 內 閣 文 庫 |           |
| 番 號     | 漢 6122    |
| 冊 數     | 78 ( 78 ) |
| 函 號     | 362 30    |







文體明辯附錄卷之十四

大明吳江徐師曾伯魯纂

道場疏

按道場疏者釋老二家慶禱之詞也慶詞曰生辰疏禱祠曰功德疏二者皆道場之所用也又按陳繹曾文筌云功德疏者釋氏禱佛之詞及考諸集與事文類聚並有二家疏語則知疏者不特用於釋氏明矣故今錯而列之以俟博聞者其曰齋文即疏之別名也

釋迦佛生辰疏

李



又麗日華卷十四  
麥秀兩岐正炎帝乘離之月冀敷八莢喜釋迦夙  
震之辰諸佛現形衆真稽首恭惟釋迦文佛性便  
寂滅智運光明現身於刹利之宮悟意於淨居之  
牖遂得出家之蘊竟酬入嶺之因依種種門學非  
非想說三百五十會之妙法運四千八萬座之淨  
圖茂彰西國之靈普度南閩之衆某素沐慈休之  
庇獲逢今日之臨是集同盟特陳清供在周誕降  
但緬想不見之常星與國無疆顧長夜相輝之惠  
日

佛降誕疏釋

元僧大訖

大海湛然獨聽潮音之震蕩太虛廓爾唯瞻景緯  
之橫陳由本大而跡彰抑時至而機應俾羣靈咸  
成正覺從五濁示現降生脫珍服著垢衣委身以  
徇舍化城登寶所攜手同歸初度重臨大恩莫報  
伏願扇真風於末世揭慧日於中天無佛無魔法  
法宣揚玉偈非垢非淨塵塵灌沐金軀

阿彌陀佛生日疏二首

家釋

李

月臨復月又逢玉魄之載生雲擁慈雲咸喜金身  
之誕降南瞻部州紛瑞靄西方勝境沸歡聲恭惟



阿彌陀佛神運六通性空五蘊言宣貝葉是真言  
 而非真言相顯蓮花若有相會何有相遊戲大光  
 明藏闡開陀羅尼門獨稱調仰之師是謂如來之  
 教某獲逢今日且恭罄賀誠仰巍巍萬德之尊不可  
 思議救劫劫衆生之苦永藉併蒙  
 五花梅綻乃王正建子之時兩莢莫飄實皇覺誕  
 辰之日諸天起敬易地皈依恭惟阿彌陀佛願力  
 弘深神通廣博種菩提子於娑婆境上駕般若船  
 於寂滅海中在我無爭自他有耀建七寶浮圖之  
 功德結三乘達磨之因緣某素沐洪休幸逢華旦

伏願不增不減生生不壞金剛身常淨常清世世  
 常行菩薩道

定光佛生辰疏家釋

李

星回北朔方周堯曆之四時佛降東泉正屬夏正  
 之六日際天浮瑞罄地騰歡恭惟定光古佛發慈  
 濟心行菩薩道身登鳳闕親承飛鳳之章跡駐龍  
 洲特顯降龍之手成無古無今之義彰曰暘曰雨  
 之功某素沐清休莫申丹悃喜遇誕彌之節得陳  
 晉賀之儀伏願明著定光普照三千之世界聲聞  
 圓覺永綏億萬之生靈



東岳帝生辰疏

家道

撰人闕

南郊迎景尚遲二日之期東嶽降靈誕應千年之  
 瑞祥開碧落清遇黃河恭惟泰山府君四岳所宗  
 萬民之主仁符震動播揚發育之仁德體離中彰  
 著昭明之德持作福作威之柄操注生注死之權  
 其幸際昌辰得陳賀禮岩瞻地遠恨不為孔子之  
 登壽與天齊願特誦韓公之句

梓潼帝生辰疏

家道

撰人闕

北辰建卯方新三日之杓西蜀生申誕應五雲之  
 瑞瑤池啟宴寶闕騰歡恭惟帝君名震梓潼職嚴

桂籍銀鈎鐵畫盡出神入聖之能玉句金章致泣  
 鬼驚人之妙輔佐玄天之主闡揚易地之靈某仰  
 獻兕觥俯陳燕賀伏願億千萬綿延之壽劫劫長  
 存九十四變化之身如如不動

興龍節功德疏

家釋

宋蘇軾

伏以瑞乙來翔共紀生商之兆羣龍下集適同浴  
 佛之辰爰崇勝因以薦多祉伏願皇帝陛下立民  
 之極先天不違福如南山之不騫壽等西方之無  
 量集寧海宇永庇神天

又釋

宋秦觀



電昔繞樞，協氣已蟠於穹壤。葵今向日，頌聲復溢於華戎。恭詣寶坊，廣延緇侶。致上方香積之饌，閱西土貝葉之文。妙會維脩，愚衷斯罄。伏願睿圖鞏固，神筭增隆。日月無私，永照臨於下土。風雲不間，常感會於中天。

乾會節贛州進功德疏 釋道通用

宋文天祥

聖瑞虹流，開半千之休運。官聯虎拜，瞻尺五之清光。藹玉翠之祥氛，哀緇黃之妙果。皇帝陛下，恭願駿聲克廣，龍德方中。地久天長，壽命衍洪源之慶。

河清海晏，皇圖鞏磐石之安。

壽崇節鈐司進功德疏 釋道通用

宋文天祥

三寶曰慈，南極衍太皇之福。五兵不試，西江陶聖化之風。伏仙釋之殊因，贊宮闈之不慶。壽和聖福，皇太后陛下，恭願位隆少廣，筭等崑丘。仰太慈尊誕節，正同於盛旦。得無量壽長生，永協於先夫。

壽崇節贛州進功德疏 釋道通用

宋文天祥

九龍吐水，當摩耶產佛之辰。萬歲呼嵩，上大母延



年之請敬憑二氏仰贊千齡壽和聖福皇太后陛下恭願大安大榮至愉至佚慶雲五色現南極之祥光壽域八荒衍西池之長筭

坤成節疏文二首釋 宋范純仁

右伏以神光滿室共傳載育之祥梵印傳經遙祝無疆之筭寶花零亂淨域莊嚴周法界之三千贊壽齡之萬億太皇太后殿下伏願東朝奠枕南面垂衣如月之恒爰照臨於四國擬天之運永覆育於羣生

右伏以星流玉宇六宮增慶於殊祥香散金由萬

國共祈於難老旃檀顯質貝葉翻經獻承露之僊囊布均雲之法席伏願太皇太后殿下松筠比茂金石同堅房闈燕居常範圍於天地車書共貫永帶礪於山河

坤成節功德疏釋 宋蘇軾

伏以上帝儲休遺寶適而降聖羣芳仰德執瑞玉以來賓恪脩臣子之誠虔奉天人之禱供精浦塞文演貝多致海衆之莊嚴廣潮音之清淨勝因所集睿筭日隆恭惟太皇太后陛下伏願大安大榮永對無窮之問時萬時億獨觀有道之長



太皇太后本命歲功德疏家釋

宋蘇軾

伏以天人合契輔成繼照之明歲月襲祥允協重  
坤之象肇臨正旦寅奉德音盡海宇之無疆集緇  
黃而來會旁推舜孝仰叩佛乘伏願太皇太后陛下  
下下順民心仰膺天保配西方之無量與南山而  
不傾豈獨五音六律之旋再臨此歲將推三統九  
會之復以正其年永與函生共茲人福謹疏

代蔡州正賜庫功德疏家釋

宋秦觀

歲功告備方圓歸報之因誕節屆期當具祝延之  
禮爰脩勝會用達愚衷初入寶樓不假善財之彈  
指遍行香飯何煩金粟之遺入助以風林水鳥之  
音雜以玉珮金鐺之韻皇帝陛下伏願聖躬如月  
宸筭後天日聞萬歲之呼歲受千金之鑑

景命日祝香疏家在八月月釋家

元僧大訢

灝氣凌空觀天上優曇現瑞秋期應候接月中挂  
子吹香伏願露肅金莖萬寶慶西成之富風清玉  
帳六龍旋北狩之巡懋對芳辰以介景福







吳穹降割勳王仗之上賓率土興哀望金仙而仰  
額虔資冥福適相仙游

大行皇帝遺誥贛州成服道疏

宋文天祥

道場未命忍聞晏駕之音瞻仰昊夫上訴遺弓之  
慟脩崇冥果攀慕遐征大行皇帝伏願返于混元  
光我烈祖洋洋而在上俯鑒臣民剌剌以揚靈永  
綏宗社

太后升遐道場功德疏

宋戴埴

東朝棄養普均率土之悲哀西竺脩緣庸效舊臣  
之嚴薦伏妙因於大覺證善果於上乘伏願超度  
梵天圓成聖地龍華三會永依佛趣之道遙龜筮  
萬年密佑帝圖之悠久

福寧殿開啓資薦英宗皇帝道場齋文

宋王安石

伏以憑几之言未遠條場之候更新摧慕安窮攀  
號靡及旁招淨衆歸誠甘露之門仰祝靈游取證  
法雲之地

大行皇帝贛州追嚴道場疏

釋道通



宋文天祥

維新陟王悵皇靈之日遠演大乘教道家改曰資無上法勝果於天游悼痛深深薦嚴有俶大行皇帝伏願性超清淨道家改曰希夷德邁圓通道家改曰希夷神豐功不泯高配天厚配地明德無疆

後苑華景亭開啓故秦晉國夫人林氏追薦

道場齋文家釋

宋歐陽脩

伏以淑懿之賢已貴追榮之典陰幽之勛仍資衆善之因爰卽華林載陳法供冀慈仁之廣被均勝利於無窮乘此妙緣超升福果

啓聖禪院脩設故秦晉國肅恭賢正夫人林氏盡七大會齊一中齋文家釋

宋歐陽脩

伏以覺慈廣被兼濟於含生冥福所資必憑於慧力維懿柔之秉德享壽考而有終隆睿眷以不忘集勝緣而增備願乘妙果道一作超薦真乘高宗小祥功德疏家釋宋揚雲天去住本同脫徒之輕塵世沈迷徒歎遺弓之重屬一周於歲律起萬有之哀思用集緇黃恭翻負錄伏願乘舟度漢捨筏超津濯濯厥靈並真遊



於烈祖高高在上永庇祐於神孫

太后小祥功德疏釋家 宋戴埴

遊白雲於椒極莫返真遊揚甘露於蓮宮恭脩祥

薦具圓法果宣繹款誠伏願五翳皆空三乘不昧

鸞裙縹緲頓起福地之神仙燕翼延洪均福普夫

之臣庶

薦父四七水陸道場功德疏釋家 宋黃庭堅

無父何怙徒切悲傷有佛可投當伸薦拔俯陳孝  
悃仰叩皇慈伏念蒲柳質微丘山罪積致嚴父不

逃於一疾而幻身遂奄於九泉淚眼雙流愁腸百

結恨劬勞之恩難報伸追悼之念敢忘時四七之

屬臨誠再三而俯竭虔邀緇侶廣宣貝葉之文普

供恒沙大設伊蒲之饌以茲妙果用薦亡靈維願

三寶證明萬靈洞鑒特發慈悲之念廣開救度之

門拔彼冥途離諸苦趣業障報障煩惱障一洗無

餘前生今生未來生百冤頓釋

薦母小祥功德疏釋家 藍

北堂人遠痛經改燧之辰西竺教垂庸闡無遮之

會以慈闋故而涕泣言伏念先妣蘋藻儀刑薰蘭



性質字幼允為於賢母起家善相於嚴君發清淨  
 心每厭多生之宿垢得堅固力常持一卷之真經  
 盡此報身且其延壽豈料去秋徵恙竟成厚夜長  
 眠善果屢脩冥程莫測故憑梵侶普設齋筵伏冀  
 三寶垂歆一靈享薦不昧如如之本性片月圓明  
 永離劫劫之塵緣諸天快樂

追薦東坡先生 蘇軾疏家釋

宋李

端明尚書德尊一代名滿五朝道大不容才高為  
 累維行能之蓋世致忌媚之為仇久蹭蹬於禁林

不遇故失遂飄零於瘴海卒老于行方幸賜環忽  
 聞亡鑑識與不識固不盡傷聞所未聞吾將安做  
 皇天后土知一生忠義之心石山大川還千古英  
 靈之氣係斯文之興廢占吾道之盛衰茲乃公議  
 之共憂非獨門人之私意所恨一違師席九易歲  
 華意圖生還遂成死別慕子貢築場之意每冀哀  
 誠誦普賢行願之文庶資冥福阿僧祇劫為轉法  
 輪兜率陀天頓居福地仰祈諸聖俯鑒微情

順祖惠元宵明皇帝忌辰齋文 家釋

宋歐陽脩



伏以積仁累德王業始於艱難追遠奉先孝治刑  
於遐邇式臨諱日月率舊章順祖惠元睿明皇帝  
肇啓慶基克光前烈昭聖謨而貽厥隆廟德而可  
觀今皇帝綱繼大明克昌盛業屬諱辰而增感因  
佛事以薦嚴順祖皇帝伏願如在之威且百年而  
可畏無疆之祚佑億世以垂休今皇帝伏願聖壽  
延鴻不圖永固然後願鈞衡舊德宗室羣英下洎  
臣民咸均福祐

太祖皇帝忌辰道場齋文

宋歐陽脩

家釋

維至和<sub>仁宗</sub>元年歲次甲午九月辛酉朔十九日  
巳卯皇帝遣入內內侍省內侍殿頭向當太平興  
國寺開先殿劉立言請僧三七人於太平興國寺  
開先殿開啓太祖皇帝忌辰道場二月日伏以受  
命開先肇基興運昭祖功而不顯懸寶祚於無疆  
用深追遠之誠式奉明齋之薦載嚴淨刹以集善  
因伏願覺力常資威靈如在延鴻宗祐集慶眇冲  
庶邦咸被於餘休品物共均於博施謹言

集英殿開啓真宗皇帝忌辰道場齋文

宋歐陽脩

家釋



伏以神遊斯遠方仰於軒威諱日茲臨載深於舜  
慕度依正覺俾集善因敬禁殿以有嚴格法筵而  
夙設仰祈冥助用慰孝思

景靈宮奉真殿開啓真宗皇帝忌辰道場看

佛經都功德疏家釋 宋歐陽脩

伏以威神在天奉真遊而時格覺慈宣化敷慧福  
以無窮退諱日之甫臨演祕言而申薦求際仁佑  
式慰孝哀

景靈宮奉真殿真宗皇帝忌辰道場看道經

都功德疏家道 宋歐陽脩

伏以琳宮嚴敞奉真馭以來臨寶笈飛華演靈篇  
而甚祕式屆過昔之月載深濡露之懷退薦福因  
永資道蔭

景靈宮廣孝殿章懿皇后忌辰道場看佛經

都功德疏家釋 宋歐陽脩

伏以諱日斯臨孝心增感永慕至慈之德載瞻大  
覺之雄既集善因退資福果

景靈宮廣孝殿章懿皇后忌辰道場看道經

都功德疏家道 宋歐陽脩

伏以春露既濡孝思罔極卽神庭之祕邃誦金簡



之精微仰冀清真永資遐福

慈孝寺開啓真宗皇帝忌辰資薦道場齋文

宋歐陽脩

伏以仙馭乘雲式臨於遠日春陽濡露載感於孝思爰即梵居俾延淨侶瞻玉毫之妙相啓具葉之真文集此勝因仰資冥祐

萬壽觀廣愛殿資薦章惠皇太后忌辰道場

宋王安石

伏以諱日俯臨祠庭外闕遶東黃冠之衆宗祚紫極之神按用前科追營後福庶超升之真德繁庶

貺之有加

私忌疏文

宋范純仁

右伏以奉先追遠敢忘如在之誠供佛營齋庶備薦嚴之福爰當諱日恭集妙因伏願慧日圓明智燈寂照悟萬緣之非有了諸幻之無常不染一塵頓超十地

脩水陸葬枯骨疏

宋蘇軾

右伏以諸佛衆生皆具大圓覺天官地獄同在一塵中是故惡念纒萌便淪苦海善根瞥起已證法身要在攝心易同反掌竊見惠州太守右承議郎



詹君範與在州官吏舉行朝典破官錢葬失所暴  
 骨數百軀既掩覆其形骸復安存其鬼識使歸泉  
 壤別受後身軾目睹勝緣輒隨喜事以佛慈悲太  
 願力以我廣大平等心遵釋迦之遺文脩地藏之  
 本願起焦面之教法設梁武之科儀伏願諸佛子  
 等乘此良因離諸苦趣沐浴法水悟罪垢之本空  
 鼓舞梵音知道場之無礙歸已畢莫起邪心一  
 飽之餘永無飢火以戒定慧滅貪瞋癡勿眷戀於  
 殘骸共逍遙於淨土伏維三寶俯賜證明

後苑華景亭開啓安土地道場齋文道家

宋歐陽脩

伏以后皇安靜稟厚德以無疆靈貺冥符惟至誠  
 而有一作感載嚴淨侶夙按梵儀冀枝滌於百邪  
 俾妥安於庶品

大相國寺開啓為民祈福道場齋文釋家

宋歐陽脩

伏以薰風協序皇百物以蕃昌慧福均慈蒙萬生  
 而廣被顧維編俗屬此煩蒸庶依妙覺之仁護此  
 含靈之衆袪除時沴迎集天祺凡載坤輿共臻壽  
 域



大相國寺大殿上開啓為民祈福道場齋文

家釋 宋歐陽脩

伏以家釋南薰被物方滋長育之明西覺稱雄允賴慈  
仁之濟俾延淨侶虔啓法筵冀迎百善之祥普洽  
萬生之衆

龍圖天章寶文閣接續開啓祈雪道場齋文

家釋 宋王安石

伏以歲序就窮尚愆嘉雪能仁應世閱此含生冀  
佑上靈錫之休證式陳淨供以告齋誠

家釋 元僧大訥

日食疏

此月而食占五紀之或垂畏天之威虞大沴之將  
作故徇民情而救護益依佛力以禱禳伏願五色  
開而黃道明照臨下土羣陰消而陽德成昭回于  
天

景靈宮祈福道場功德疏道

宋蘇軾

伏以仁心浹物自然憂樂之同孝治格天宜爾感  
通之速庶殫精懇仰叩上真恭以太皇太后陛下  
保祐聖神勤勞夙夜偶瞻東朝之御未獲大官之  
常爰即殊庭大陳妙供法音上達雖有假於雲章

文禮月拜卷四 村錄道易卷



民忠下同，自不勞於祕祝，願膺勿藥之喜，永保無疆之休。

經商保安還願疏

方

君子于役，驅馳萬里之遙，我佛焉依滅度三塗之苦，誠陳結草供設，伊蒲竊念其情，實奔流慾波，漲膩頃以載月，擔風之計，竟為乘星犯霧之遊，濟渡浮舟泛泛，回頭之岸，登途駕轍，滔滔底足之津，間關世道之炎涼，驚省人情之厚薄，未知攸濟，莫敢或違，茲當返旆之時，庸盡銜環之禮，闡有緣之法，會設無礙之齋，筵伏願甘露降，祥常見，觀音之柳。

恩波沾惠，得乘蓬磨之蘆，表

按表者，釋道陳奏之詞也。古今表詞施於君臣之際，而二氏亦以表稱，蓋僭擬也。若乃天子之於天，固宜用表稱，臣然不以施於郊祀之際，而用老氏之法，以黷神則名雖是而實則非矣。故列之於此，以俟崇正者詳焉。其曰朱曰露，香曰獸，皆表之別名也。

起教表

阿難陀尊者釋家

元撰人闕

一性原明，秉二儀之覆載，三心本寂，即四體以皈



依投皇覺之願明進精勤之齊烟竊念某叨蒙佛  
應屢濫行持今建齋筵特脩法事預伸祈扣先願  
冥助入意秉教脩行必藉恩臨於法會依科宣演  
仰憑慈德以加威上延十聖三賢下濟四方五趣  
第恐凡心窄隘不獲徧周專祈聖力資勲廓然圓  
合使羣生咸登寶所俾亡者即悟圓明克滿奇勲  
叨全法會某下情無任激切之至謹具表上以聞

謝緣表

家釋

元撰人闕

右某建置壇場敬准慈尊之軌範行持水陸仰遵  
先覺之科儀茲幸圓成敢忘報謝某誠惶誠恐頓

首頓首伏念某心遊物外跡混人間以持犯而更  
身期悟明於本性每緣檀度俾施香羞作鬼神之  
師開入天之路瞻茲世界各有封疆非憑號召之  
功曷遂感通之効茲蓋恭遇切利天宮帝釋天王  
陛下聖明天縱睿德日新居欲界之二天在楞嚴  
之三昧來從佛會請轉法輪念此四洲在于一統  
雖善惡死生悉自註記然敷陳于請尚賴濟容撫  
已知慚感恩莫既謹具表申謝以聞

天燈表

家釋

元撰人闕

釋迦如來遺教弟子嗣法奉行加持召請水陸佛



事沙門某誠惶誠恐稽首頓首上言今月某日據齋主某開建水陸齋會已於某日備細聞奏見行脩設外今者別伸燃點天圓寶燈一壇如法加持進獻者奉教脩齋預桑門之下列封章奏事擣檀度之哀情虔德奚堪捫心知愧某誠惶誠恐稽首頓首伏以智光不昧真今古以流通靈鑒無私熱邇遐之徧照其奈勞生擾擾感業昏昏日月麗天如處覆盆之下星辰在上猶居暗室之間自非燃般若之膏油何以觀涅槃之正路包羅乾象昭布天文燦萬斛之金蓮經八紘之珠網六欲四禪之

處普放光輝十方諸梵之宮並蒙照耀惡道從茲而解脫善緣因是以滋多利益無邊敷陳固既茲蓋恭遇娑婆世界主妙莊嚴宮尸乘大梵天王陛下內明覺觀外有語言請諸佛具轉法輪住初禪嚴持淨戒御最高之樓閣示廣大之威儀為三千世界之尊作一切衆生之父身光赫奕不同燿火之微梵福淵深大勝六天之量豈藉世燈之供養以彰天界之光嚴少展片誠諒垂采鑒所冀上至有想天無想天天天增長破九界之昏衢下至脩羅界地獄界界界原明照十方之圓朗使衆生皆



蒙利益俾亡者即遂超升感悟本心俱生覺慧謹  
具表望闕稱獻以聞下情無任激切皈依之至其  
誠惶誠恐稽首頓首謹言

地燈表釋

元撰人闕

燃點地方寶燈一壇如法加持進獻者性天朗潔  
仗佛力以上升慧日高明祈恩光而下燭謹投愚  
悃上達聖聰其誠惶誠恐稽首頓首伏以統論四  
洲始盡一須彌之邊表區分九域奚窮六欲頂之  
高危且據此方畧陳極際肇自禹平水土迨今聖  
治封疆海嶽固有攸司江河豈無所主水火風雨

雷電雪霜禦災捍患之神君護國安民之聖者至  
若城隍之內田里之間盡有靈祇事嚴常祀雖則  
受尊崇之香火未能開覺照之華燈此處焚膏普  
天分燭寧間華夷遠邇咸蒙智慧光明煥發音薰  
莊嚴勝會茲蓋伏遇此方一須彌山忉利天宮善  
法堂上帝釋天主陛下地居稱主天下為家等視  
衆生猶同一子圓生樹下仰天步之優游善法堂  
前觀天光之熾盛凡在照臨之下咸歸化育之中  
爰竭愚衷用于宸聽謹具表望闕稱獻以聞下情  
無任依戀屏營之至其誠惶誠恐頓首頓首謹言



水陸齋奏上 文宗皇帝表釋家

无僧大訢

竊以士貴知已况蒙萬乘所知義重報恩不以世禮効報期道契于死生之表接神游于形化之初欽惟文宗聖明元孝皇帝陛下妙得佛心生知聖哲攘羣兇而復神器功邁中興尊元老而開奎章道隆文治念潛印基命大業作佛宮未祚鴻釐順世無常奄棄臣民於下土入佛正定閔嚴神御於中天重念臣僧大訢學愧澄安道慚嵩璉承恩赴闕受命開山莫攀弓劍之哀號徒睹羨塋而涕慕

遵梁武格金山之會大教是承對覺皇宣玉偈之文遺言不墜感召必通于精爽至誠可格于幽冥陛下欽願淨智妙圓證覺道而超于地大機普應現分身以濟羣生

資玄天上帝生辰表道家

宋謝枋得

臣某言伏以今月初三日恭遇上聖降誕休辰者帝降人寰必真元之會合民懷天德逢初度以歡愉宇宙昌期華夷同慶臣誠歡誠忭頓首頓首竊以虹流瑞彩天開秋昊之神龍嘏祥波佛現世尊



之聖受太極兩儀之正鍾三光五嶽之全篤生高  
 真孰若華旦恭惟玉虛師相玄天上帝北辰合德  
 春日同仁贊化玉清道生天而至妙調元金闕功  
 禪帝以難名契真宰於東皇對長生之南極乾坤  
 比壽永覆載於萬靈日月齊光常照臨於六合臣  
 欣逢瑞節難報深恩有始有初歲歲今辰之歌舞  
 無窮無極人人洪造之生成臣無任瞻天望聖歡  
 忭慶快之至謹奉表百拜稱賀以聞臣誠歡誠忭  
 頓首頓首謹言

南郊禮畢皇帝謝內中功德表釋道通用

伏以蠲絜廟祧潔告郊時實蒙茲貺以獲顧歆維  
 錫福之無窮曷歸誠之有已

宋王安石

為將來禘享禮畢奏謝內中福寧殿并景靈  
 宮等處諸神表釋道通用 宋歐陽脩  
 伏以清廟有嚴仲冬正序乃先時祭躬講禮文賴  
 真靈之集休禋容典之咸舉仰膺佳貺彌勵丹衷  
 為將來禘享禮畢奏謝諸寺院表釋道通用

宋歐陽脩

伏以宗廟之嚴祭祀維重矧茲合食之義尤為盛



禮之文乃顧眇躬克成大饗實繁貺佑用薦菲誠  
為將來禘享禮畢奏謝泰山廟等處表家道

宋歐陽脩

伏以茲者因歲物之冬成講祭答而時舉豆邊有  
序禮樂交脩顧惟眇躬克遵盛典實賴明靈之佑  
敢忘報貺之誠

景靈宮宣光殿奉安神宗皇帝御容罷散朱

表家道

宋蘇軾

馭風雲闕既參日月之光弭節琳宮尚答神民之  
望爰闋法會庶款真庭願推往聖之心永錫幽生

之福

先夫節皇帝謝內中露香表家道

宋王安石

伏以眇躬無似實膺駿命之休釐事有初敢廢靈  
承之舊冀蒙僊聖俯鑒齋精

乾元節謝內中露香表家道

宋歐陽脩

伏以清穹眷佑皇緒丕隆方陽月之正時屬誕辰  
而著節仰瞻霄極薦此芬馨冀膺敷錫之祥永保  
延鴻之慶



天貺節謝內中露香表道家

宋歐陽脩

伏以薰風應候滋阜於永生嘉節紀時恭承於景  
貺已嚴淨館虔奉祕祠仍假不脩謝通精意蒼靈  
昭鑒純祉來臻

內中為達天捨黃忠衰成謝露香表道家

宋歐陽脩

伏以月上作冬禮成太享仙皇土其桂之位格祖  
宗之靈荷清穹之降休俾盛典之獲舉敢伸昭謝  
冀達精衷

瓊林苑開啓保佑聖躬祈福道場默表道家

宋歐陽脩

伏以荷天地之鴻休席祖宗之不業載惟勵翼敢  
怠憂勤屬歲律之更端冀時禧之茂集俾嚴禁禦  
祇率舊章庶通芬潔之誠仰格清真之馭伏冀錫  
齡斯永降福孔多保邦祚於無窮均物生而咸被

廣聖宮開啓催生道場默表道家

宋歐陽脩

伏以帶羈迎祥慶祺祠之協應潔壇脩薦致精懇  
以冥祈俾因麟瑞以通誠仰冀靈真之報福



集禧觀開啓為民祈福祈晴道場默表

宋王安石

伏以兩淫為蓄民用愁墊式陳淨供以致誠祈冀  
格靈明遂蒙開霽維潔粲之無害仰休饗之有依

青詞密詞

按陳繹會云青詞者方士懺過之詞也或以祈  
福或以薦亡唯道家用之其謂密詞則釋道通  
用矣詞用儷語諸集皆有而事文類聚所載尤  
多今錄數篇以備一體此外又有法誥有告牒  
以功德勝有投簡山簡水簡投諸山以平長久之意有解語解

水解薦道有法語而舉棺撒土亦皆有文其目  
至為煩瑣而諸集不載愚謂二氏相傳必有舊  
本臨時錄用亦何不可何必別撰而騁詞華於  
無益之地哉故皆略而不錄

皇帝本命兗州會真官等處開啓道場青詞

宋歐陽脩

維至和年仁宗元年歲次甲午十月辛卯朔二十日  
庚戌嗣天子臣某謹遣某人開啓本命靈寶道場  
三晝夜罷散日設醮一座謹上啓太上開天執符  
御歷含真體道玉皇太天帝寶祚無疆蒼穹垂祐



吉日式臨於元命醮科爰舉於舊章薦誠愨以維  
精延聖真而並降仰希靈貺敷錫眇冲四時協序  
於和平品彙均休於康泰無任懇禱之至謹詞

建隆觀翊教院開啓皇帝本命道場青詞

宋歐陽脩

伏以道妙無方默運清真之氣日躔有次式臨元  
本之辰恭按仙儀俾陳淨醮伏願蒼靈昭鑒福嘏  
駢臻萬壽無疆永隆於鴻筭羣生成遂均被於餘  
休

廣聖宮開啓祝聖壽道場青詞

宋歐陽脩

伏以百土休方標禮典以順時衆善延祥紀道家  
之吉月恭陳秘館式按常科瑤席瓊罇夙陳於芳  
潔芝華羽葆紛集於真靈伏願錫祉眇躬隆壽齡  
於無極遂生庶品臻隱伏以咸均

西太一宮開啓皇太后生辰道場青詞

宋王安石

伏以真聖在天式序照臨之位眇冲嗣歷永惟顧  
復之恩敢因誕毓之辰祇薦熏脩之事仰祈眷祐  
俯察傾輸推純嘏以及親與羣生而均貺



建隆觀開啓追薦溫成皇后道場青詞

宋歐陽脩

伏以蒼圓降鑒列象緯以昭垂蠲潔備陳薦馨香而上達載嚴仙宇恭按科儀眷內則之遺芳冀高真之冥祐仰祈陰貺求助靈遊

舒州靈仙觀開啓上元節道場青詞

宋歐陽脩

伏以萬物熙春肇新陽於首歲三元紀序標令節於真經爰卽靈場俾遵科式薦雖陳於菲薄誠已達於精明伏願穹昊垂休紫清降鑒邦家錫慶永

協於泰寧民物遂生並臻於和樂

醴泉觀寧聖殿開啓為民祈福保夏道場青詞

宋王安石

伏以聖真丕冒品庶具依當蕃啓之盛時用熏脩之故事仰祈聰直俯鑒齋精溥垂庇祐之仁申錫壽康之福

隆祐宮設慶宮醮青詞

宋王安石

伏以長樂告成光動紫宮之象清都下照誠通絳闕之仙祇率多儀肅陳菲薦求惟慈孝之本克享



天人之心介萬壽之無疆錫五福之純備無在懇  
禱之至

上許太史遜尊號神功妙濟真君醮告詞

宋徽宗

維政和二年太歲壬辰五月丁巳朔十七日癸酉  
皇帝御名信謹遣入內內侍省內殿程奇請道士  
三十七人於洪州南今江府西王隆觀建道場七  
晝夜罷散日設醮一座三百六十分位上啓神功  
妙濟真君伏以至神無像雖莫能名成德在人姑  
從所示式褒顯蹟肇薦徽稱冀享欽崇永綏福地

御名無任誠恐懇禱之至謹詞

懷謝青詞二首

宋范純仁

大道難名默運生成之化至神莫測潛司禍福之  
權顧纖介之微軀沐堪輿之大賜敢忘報謝用致  
忱誠伏念臣幼服儒風早蒙道蔭職免耕桑之苦  
身無飢凍之憂親遇聖明官居繁要姻族百口不  
逢天橫之菑仕宦四方常脫傾危之禍報國蔑聞  
於績効臨民有愧於循良自知祿厚而才輕唯懼  
福盈而禍至是用虔依祕範延降上真勉脩豺獮  
之誠恭備蘋蘩之薦敢望好生垂德福善敷恩保



家國之和平遂性情之安逸行身述吉為道日新  
悉均動植之倫咸享衰高之福願堅善行仰答鴻  
私

洪造無私雖不言而示化至神莫測諒有感而必  
通虔遵金簡之儀仰叩璇穹之聽伏念臣幼承道  
膺長遇聖時荷恩眷於累朝叨顯榮於三事常念  
滿盈之戒每希止足之心爰自去年得辭大政既  
免觸藩之困幸逃覆餗之差雖嘗違於菑屯亦屢  
銷於禍釁用舍偶完於素節退休將遂於本心豈  
愚慮之能用周實神靈之陰相是用罄伸丹懇歸念

上真尚虞衰晚之多艱猶覲保全於終古重願身  
心康樂家國安寧子孫蒙德慶之祥骨肉享安平  
之祉早遂引年之請咸繩違道之愆俾於衰暮之  
齡錫以清閑之福臣敢不服膺聖訓克意善經盡  
蒲柳之餘生答乾坤之大賜

薦父九朝黃錄青詞 藍

告盟

痛先人之卽世再閱暮年對上帝以請盟首行齋  
事絲函敷奏紫闕遙聞伏念臣亡父昨以微病竟  
卒終養慮生前之過咎致歿後之牽纏屢假重脩



未明脫化擬投誠於黃錄先有事於玄場道化冥冥誓言旦旦伏願窺高極厚鑒茲昭告之誠宥罪除愆遂彼往生之樂

宿啓

為亡父以祈哀載投黃錄對高真而薦事宿啓玄場輒通告白之誠冒瀆始青之聽伏念臣亡父昨緣小疾奄棄諸孤屢憑善果之薦脩未測冥途之嚮往時丁三載醮闡九幽首建皇臺祇迎聖馭恭望整鸞鶴駕開虎豹關萬聖垂光特暫離於仙闕一誠盼嚮同降格於齊筵憐憫孝忠超昇逝魄

第一日早朝

三日正齋謹按金科之教九朝行事方陳瑤席之儀為亡父以祈生恕孤臣之僭瀆恭願聖真賜憫鑒初意之精虔靈臆高超釋多生之瑕垢

午朝

帝真臨下初行午觀之儀臣子事天庸竭寅恭之念敢希玄澤俯披魂儀恭願慧日開明燦破羣迷之路徑真風動盪掃除累劫之塵埃

晚朝

臣心激切慮未達於九重天闕高寒章敢辭於三



進赦其狂瞽賜以哀矜恭願洪造垂仁俯拔洗魂  
於泉壤青玄救苦遍資幽爽於河沙

次日早朝

載惟正父德曷報於昊天肆觀高尊禮尤嚴於翼  
日聽雞鳴之戒曉望鶴馭以祈恩恭願三境垂慈  
誕布寬洪之澤九幽停對宏開赦宥之門

午朝

禮嚴朝謁五居九數之中哀籲高明載仰層霄之  
上演混洞赤文之旨揚空歌碧落之音恭願御極  
天華均囿日中之臨照漏泉澤溥遍沾地下之幽

寥

晚朝

孝忠罔極歷陳方寸之誠凡烟未息冒致再三之  
瀆演六時之教法儼千聖之儀形恭願起死回骸  
俾下靈而受度陶形浴魄暨七祖以蒙恩

三日早朝

父死謂何適再臨於暮歲天威不遠茲三舉於昕  
朝五鳳齊鳴九龍並駕恭願太空洞渙共依東極  
之輝干地超昇徑度南宮之品

午朝



仰觀九天已肅清晨之觀後庚三日又嚴亭午之  
朝八景騰祥五雲絢彩恭願天闈鑰啓望玉陛以  
演金科地網塵清除黑籍而成白業

晚朝

禮畢九朝竭精誠而敢怠恩祈太造相齋事以克  
終秋水月圓暮天雲合恭願瓊車羽蓋證明此夕  
之功勳火井水池變煉亡靈之形魄

解壇

備九朝之禮成始成終入衆妙之門有開有闔欲  
資冥福謹按仙科旛彩玲瓏雖假莊嚴之力壇場

整肅豈無散解之期誕告成功尚祈終惠伏願聖  
真降格想齋事以美周魂爽高超懺罪愆而解脫

謝恩

父歿三年莫報劬勞之德帝臨一念恭祈拔度之  
恩昧死上言嗚哀請命伏念臣父其雖秉善良之  
性寧無動作之愆不率前秋奄歸厚夜未明嚮往  
倏屆祥除載投菡萏之盟輒効清羞之薦伏願朱  
章上徹紫闕遙開大道垂慈憫孝誠之孤若九幽  
拔罪削死藉以超生

薦母初七青詞

藍



母喪已斂莫勝攀慕之懷天道好生庸薦幽冥之  
福俯陳哀悃仰扣高真伏念臣某亡妣持已和平  
秉心清淨視俗緣而若棄閱佛經以勤脩謂畢享  
於遐齡乃早遺於諸幼一朝失恃七日初臨亟投  
太上之仙科首設冥宮之淨供伏願證生前之善  
念不昧一初乘無上之良因高超十地

薦子設醮青詞

余

情鍾我輩痛懷膝下之恩病禱爾神敢替生前之  
念敬摠悲懇仰瀆高真伏念臣亡子某學未成人  
少不更事初焉抱送冀為天上之麒麟豈謂倏亡

遂化夢中之蝴蝶重念生存之日期殫禳謝之誠  
雖定數之莫逃豈初心之可負三百六旬之光陰  
易閱二十四載之恩愛難忘故集黃冠用陳清醮  
俯酬前願資助幽途次偕不宅之眷緣普答命官  
之星宰伏願洗愆雪罪早令逝鬼之超昇集福延  
生永保一門之安安

延福宮開啓皇太后生辰道場密詞

宋王安石

伏以協成寶命恩維拊育之深俯應羣情法有總  
持之妙齋場夙設慶事備終敢祈西竺之威神永



佑東朝之福履

延福宮性智殿開啓皇后生辰道場密詞

宋歐陽脩

伏以寒律正時適臨於良月曾沙誕慶爰紀於嘉辰夙清祕殿之嚴並集祇園之侶冀因勝利延錫

東太一宮開啓年交祝聖壽金錄道場密詞

二首

宋歐陽脩

伏以三陽肇序始變於疑陰萬壽無疆宜膺於茂祉俾延淨侶祇款嚴祠按金錄之仙科格紫清之

真馭冀迎福應求固不圖下逮庶邦咸均純錫伏以積陰窮候始變於三陽庶物更交新宜均於事福是陳法供載肅嚴祠延真馭以來臨冀明靈之洞鑒眇冲集祐期萬壽之無疆遐適同休俾兆民之咸賴

集禧觀凝祥池崇禧殿開啓祝聖壽年交金

錄道場密詞

宋歐陽脩

伏以璇霄默運推四序以循行玉曆更新集萬靈而交會俾清琳宇延格高真薦茲精一之誠祈乃純麗之祉冀縣福祚均及含生



東太一宮開啓保夏祝聖壽金錄道場密詞  
四首

宋歐陽脩

其一

伏以寂然妙道推善應以無方瞻彼高靈薦精誠  
而必達屆此長贏之候是維茂育之時爰稽玉笈  
之真文載潔靈壇之淨醮冀敷昭鑒來集純禧固  
壽曆之延昌溥蒼默而均祐

其二

伏以道妙無言維一資生於萬物歲功有序以時  
均播於五行當火德之盛明順南訛而阜育式稽

金簡祇卽琳宮祈降集於上靈冀迎來於衆福伏  
願齊天永筭益保於鴻休觸類賦形皆均於純錫

其三

伏以風薰紀候阜庶品以蕃滋道妙無言集百祥  
而善應卽琳宮之福地考金錄之祕文薦此令芳  
通乎盼蠻冀延純錫保乃昌圖資壽考於無疆均  
壽生而咸被

其四

伏以珍館邃嚴格真靈而來宅明誠蠲潔薦馨必  
以交脩導迎百順之祥及此長贏之序伏願寶圖



綿固青曆延長求敷佑於邦家溥均休於品庶  
崇先觀開啟倡夏祝聖壽金錄道場密詞

宋王安石

伏以眷祐無疆熏脩有舊當朱明之紀候祈蒼昊  
之垂仁申錫休嘉外覃品庶敢怠靈承之志求膺  
不冑之恩

西太一宮續催生道場密詞

宋歐陽脩

伏以吉月迎祥靈祺協應爰即清真之宇虔脩科  
式之儀冀被滌於害災俾敷昭於福應載昌儲慶

求佑基圖以上道家

募緣疏

按募緣疏者廣求衆力之詞也橋梁祠廟寺觀  
經像與夫釋老衣食器用之類凡非一力所能  
獨成者必撰疏以募之詞用儷語蓋時俗所尚  
而橋梁之建本以利人祠廟之設或關祀典尤  
非他事之比則斯文也豈可闕而不錄哉故列  
之

建陽縣朝天橋募疏 宋游九言

卧虹影於雙溪偶隨川逝念鳩工於百里庸假衆



成况地連閩浙之要衝而路踵輪蹄之來往要當  
累址安行於砥道之上庶免寒裳病涉於剡楫之  
間役大而費繁功成而利博解惠州之犀帶願繼  
高風成鄭國之輿梁不勞指日

建陽縣苦口橋募疏

熊

閣道橫空勢奪垂虹之麗猶文煥斗名標乘駟之  
雄念巨三之懷襄驚脩梁之蕩折欲新駕鑿必大  
鳩工留雨四十圍盡選屹流之柱去天纔尺五危  
飛礙月之簷費則浩繁理當糾合揮金樂施能脩  
濟川之功題柱相仍穩作朝天之路橋以上

建造忠烈廟疏

周

甲氏著功碑鐫魏博張公盡節廟立睢陽代有若  
人祀於百世况我公之抗志與前古而匹休曩因  
蒲澤之驛騷不忍梓里之慘毒自糾義旅橫遏寇  
鋒逝不與賊以俱生乃至捐身而不顧皎皎之忠  
誠貫日英英之義槩生風亡焉若存思之無斁以  
死勤事固已彰狗國之忠詢謀僉同宜有致奉祠  
之敬廟右祠

重創觀音寺疏

宋謝枋得

爭聲救苦是名觀音與佛有緣樂我淨境野火燒



虛空而不盡法燈歷今古以長明歲星已周天道  
必復宰官長者寧忘補陀現身大臣檀那還記靈  
山舊話諸天助力不自成功紫竹林中散光風於  
三界綠楊枝上灑甘露於八荒使衆生識大慈悲  
此善果勝諸序德寶珠瓔珞豈無普門品之仁賢  
樓閣玲瓏盡見華嚴經之富貴

高麗惠因寺脩造疏 元僧大訖

玉岑扶地移來海上三韓金粟應身重現毘耶方  
丈眷此先世之遺澤願彰未覺之宏規非唯補救  
支傾庶曰繼志述事山河扶繡戶將獻巧於雲梯

日月轉朱闌爰建標於木臬猶資衆力以相成功  
皆海印之發光若帝珠之分照檀越踏毘盧頂上  
頓超三賢十聖之階善財入樓閣門中即是千佛  
一人之數恢廓化境涵濡恩波

聖壽潭寺募建觀音殿疏

宋僧闕

本寺今欲勸建靈感觀音寶殿軒屋三間  
以爲邑人看誦禮拜之地願見聞者歡喜  
布施

右伏以大士具神通力不忘救難之心聖壽振海



潮音欲廣誦經之地全仗衆緣布施共成百寶莊嚴若善男子善女人能具飲食衣服之供則太慈悲大聖願為消龍魚水火之災可不皈依常生恭敬想落伽圓融之質備華香圍繞之儀受持六十二億菩薩之名甚多功德當使八萬四千衆生之衆悉證菩提謹疏

鳳林新建蓮堂疏 宋謝枋得

地勝鳳林接東林而長久天怜象教托儒教以扶持既善念之有孚宜道場之壯觀胡先生愛青山之好與無用者不同謝靈運種百蓮之勤想專心

而不雜已捨鍾山之宅上續遠公之燈或疑香火之光明豈可規模之狹小所謂鼎新日月方知持地乾坤大願力大功緣必是大雄猛漢好布施好福德須還好脩行人一佛辦心諸天助力維摩八萬四千座半日化成雪峯三百八十莊丁家喜捨不可蹉過直下承當陶淵明十八太賢且作廬山之隱者王文正百餘名士尚歌淨社之太平

長慶寺脩鐘樓疏 章

一聲烟際衆驚吼地之鯨音百尺雲間誰是擎天之鼉足野衲於此山無能為役法堂與斯樓何堪



一新願諸檀發歡喜心使我佛具莊嚴相欲欲隱  
隱動猿鶴之歡聲巍巍峩峩作龜龍之巨鎮一番  
緣事萬種福田

順昌西巖求福堂塑佛像疏

宋謝枋得

西方極樂國福在西巖南無阿彌陀現於南劔盡  
道菩提無樹何須淨土栽蓮然化身亦有色身因  
像法可求正法想觀音之救難滿面慈悲恩勢至  
之度久通身憐憫一佛遠公之接引諸天聖侶之  
護持巧手莊嚴善人施舍大千七寶布福德何如

此福德之多三十二相觀如來咸有見如來之喜

趙良傑落髮題度牒疏

宋劉辰翁

五陵蕭索覺空門氣味之長干地道遙在二宅塵  
勞之外然雖如是未免有求蓋摩頂放踵而悲絲  
須榨蔗搏泥而成佛聞說諸方善誘尚參一語全  
題鎮州羅蔔濮州鍾何須刻削仰山藤條德山棒  
一任承當釋家

題三元閣疏

宋

十里象江家謹三光之奉數椽金洞地存太史之



其奈何以蝸蠹之餘而肅此龍鸞之馭且四方賓  
客來者尚厭其全埃况三界神明凜乎女在其左  
右一脩一造百費百土欲壽當欲康寧毋貪愛毋  
吝惜正月七月十月是心非飲茹之齋曜靈金靈  
洞靈凡福萃降迎之地萬年國壽四海民和  
吉州天慶觀重建紫微閣疏

宋

流水高山自得塵囂之外長廊複閣相推陵谷之  
間闢蜂房蟻穴之乾坤復月地雲階之棟宇然無  
一粒粟藏世界安得百尺樓摘星辰涓滴成河陽

和滿地東風一朶一年玄都觀之春北極辨香夜  
夜紫微垣之宿肯心善事地久天長

洞真觀化塑像疏

宋

觀復洞真基址尚聯於白石像存恍惚工夫殊欠  
於丹青雖道言無像而像常存然語曰祭神而神  
如在五星東井三景先夫有能捐呂洞賓點鐵之  
金便可借吳道子和鈿之筆天界地界水陽界分  
明綵畫仙靈道香德香清淨香回向莊嚴功德

新興觀題法神疏

趙

道家者法家者本出同源土偶人木偶人盡歸一



水天既留千百年新興觀我更起八九位廣功神  
雖有濟民利物之功但無兩粟輸財之理故依施  
主闡顯教門一筆便句立視斬妖縛邪將眾萬口  
齊和為念消災度厄天尊事竟有成福生無量

王笥山刻度人經疏 宋劉辰翁

文成碧落共驚金字之垂鏗笥在名山遂見福皮  
之入木此非刻楮而為葉便可發墨而成雲一一  
不宣多多益辦黃庭經中老道士從此而傳青藜  
閣大一真人見之亦喜

化道衣疏 宋謝枋得

黃絹銀章頒皇恩而訓戒朱衣玉佩在帝所以周  
旋倘二者之得兼亦一生之奇遇賀知章結草字  
必承君命以脩真陸簡叔得石壇難以朝衣而拜  
斗有誰施捨成我因緣豈無地位九分人或遇神  
仙一會客天台山之採藥便逢福地以逍遙玄都  
觀之栽桃不負恩門之培植以上道家  
法堂疏

按法堂疏者長老主寺之詞也其用有三味至  
用以啓請將行用以祖送既至用以開堂其事  
重其體尊非夫高僧恐不足以當此然猶錄之



者不可謂世無其人而廢此一體也文君古今體今各列之

請唯公住安吉常樂院疏

元僧大訖

竊謂古之有道人皆師之不聞有住持也自百丈立叢林師道益尊制度大備下迨末流黨競勢奪而傳道為虛文矣猶時得一人焉當其名位則學者顛顛然望之吁善人之不多見也有若一巖禪師久著道譽雅有典刑堅卧一室屹若雲峯西湖之諸山以安吉常樂院延居之具呈行宣政院劄

下敦謂開堂學者尚謂最爾之寺不足以屈高風有揚於衆曰風穴單丁草屋藥山三篋束腰皆任宗門九鼎之寄彼非其人則萬間之廣猶庸居也千衆之多猶闕市也又孰得而有之所存在我何羨於人於是相率具疏排闥以請伏望垂慈俯徇衆望體右古

重請戒長老住石塔疏

宋蘇軾

大士未曾說法誰作金毛之聲衆生各自開堂何關石塔之事去無作相住亦隨緣長老戒公開不



二門施無盡藏念西湖之久別本是偶然策坡  
而少留無不可者一時作禮重聽白推渡口船回  
依舊雲山之色秋來雨過新鐘鼓之音  
請瀨翁和尚住淨慈諸山疏

元僧大訢

寶掌自五天飛錫爰止中峯永明由冷泉開山復  
遷南宕信行道各有其地豈至人居無定方其辯  
博通宗材全兼濟眼空一代前無睦州雲門書成  
萬言自任器之潛子此行適其時也衆望亦已久  
如歸歟故丘我翁之田秋矣瞻彼喬木先人之廬

在焉舉其宏綱脩我鄰好

請蘭首坐住祇園寺杭州諸山疏

元僧大訢

藂林秋晚方嗟祇樹彫零教苑春生誰識雜華富  
貴盡說氣空餘子願聞辯折諸師某律合黃鍾唱  
高白雪理無礙事無礙立處全真心亦如境亦如  
現行三昧彈指開毘盧樓閣分身見帝網山河只  
今特地開堂曲爲羣生出世支遁所交方外負爰  
以從德雲不下妙高別峯相見

送澤公住昌國普慈諸山疏



元僧大訖

大覺還山特下皇祐之詔萬回歸里爰錫昭陵之  
 袈法門幸際明時吾子新承寵命某藏辯於訥用  
 智以愚一擊金槌網維百萬之衆再轉龍藏糝糠  
 五千之文不有萬里壯游曷展平生大志江北之  
 橘為枳無變本根安期之棗如瓜難忘故土放歌  
 平海上歸來兮山中邦君負弩前驅瞻望風采同  
 黨捧盤以進願執宗盟請從祝規以求終譽

送菩提寺孫公住上虞資聖寺杭州諸山疏

元僧大訖

昔波離之創律遠取諸物近取諸身迨真悟之起  
 宗周旋中規折旋中矩欲會殊而歸正寧枉道以  
 從久某辯析錙銖學包同異制有常度儼如法家  
 者流事豈空言聞諸副墨之子克明授受益善師  
 承至公不避親嫌大用寧存化跡東游禹穴舊時  
 石室烟雲西望蘇堤珍重玉壺風月非旅進而旅  
 退唯一弛而一張欲上坡先下坡少迂脩步我北  
 海君南海尚接嗣音

送全公住淨社杭州諸山疏

元僧大訖



蘿陰高卧爰歸東海之濱蓮社遺風追擬  
 下飛錫知憐邑子前驅豈羨邦君某壯志不羈玄  
 樞獨運奪猛虎口中食豈曰不能得驪龍領下珠  
 非遭其睡自愛松風度曲無端菜葉隨流鵬鷄天  
 游為魚物化丁丁伐木期與子而偕行燁燁紫芝  
 若有人兮招隱聘士有鄭莊置驛閱久如秦卒踐  
 更山川阻脩唯勦力合從如約甌吳相望味同盟  
 以告則書

定業禪院請慧覺長老住持開堂疏

宋趙抃

夫如來法無異同衆生根有利鈍上焉者純一不  
 雜下焉者餘二非真大慈則舍實從權頓悟則離  
 凡即聖舉黃菜則小兒之啼暫止詢白練則先師  
 之意愈明古有宗門今傳法要覺師長老機先電  
 事行企山高輟由鷲嶺之禪林來應龜城之使旨  
 門外榜子湖之犬神力復興堂中示南山之蛇禪  
 魔競伏作大獅子之吼今正是時認賢主人之懃  
 無或多避

寶林寺開堂疏

宋秦觀

彌勒開門唯善財而能入毗耶丈室非摩訶以難



居寶林禪院南宋遺區東吳勝槩本惠休經之  
地實澄觀肄業之坊法水灣環妙峯孤秀石奩玉  
鑑涵日月於昏明傍穴金蚪化風雷於呼吸既川  
源之綉錯仍丹牖之鼎新飛閣浮塔就山為勢方  
疏園井因木成姿即之而智慧生望之而塵勞破  
九重鴈塔現多寶之莊嚴萬石鯨鐘示觀音之方  
便允非閑士難稱覺場大師雅稱聖箭素號禪關  
投虎峯而出家遇龍浮而得法袒跣衣鉢昔因書  
壁而傳首座山林今以躍瓶而獲了無異儀實有  
聖緣往開大總持門以繼鑠迦羅眼以上今體


文體明辯附錄卷之十四大尾

寬文龍集丙午季秋下斡  
雒陽東六條伊東氏刊行



78  
8

78  
8



林敕字全加朱句於合部

文淵閣

附錄法堂

早



